

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29

deli
得Ⓛ集团有限公司
No.6230
02260122号



436
1180/2



民國二十九年七月由北平圖

書館傳鈔

乃義託



民國二十七年一月廿一日



已收訖



1938年1月21日

1938年1月21日

張禹山戊巳吟卷題辭

禹山張兄海內詩翁既稱

寔師正宗襄陽少陵彰明射

洪翰昱究曛心擊神融吞靈

酌妙謝善啓秀於詠永言宗

前律後吐鳳節足彫龍匪雅

蘭津蠶川淼湖嶼阜月級郵

筍旬來駟竹榴投豕木桃懷君


輯刻南義書處



齷困松陵波陸臨海羊何知音
蓋歎矣詩不多月泉猶矣漢上
則邠江別有沱岷所有哦風雅
之嗟騷逸之儻蠓頭仰立啟脚
旁拖潭壹地勿毀烏蟾相磨
嘉靖廿八歲叶己酉成都楊慎
題辭卷首

附月塢少年二詩

丙寅除夕簡楊用修



征途易老百年身
宦事光陰改
換頻子美生涯
渾爛醉井
倫寥落又逢春
詩魂豪蕩不
可捉鄉夢渺茫
何處真獨把
一盃餞殘歲
盡情燈火伴
愁人
除夕次用修韻

新歲重賡注歲詩壯心寥落怯
南陲東風消息誰先得客子
先陰我自知芳草已回迎步處
梅花又滿新腸枝明朝莫負
城西約踏徧郊原向酒旗

慎未冠時与

月塢張兄為詩丙寅除夕

張兄以此二首兄示今四十五年矣

追憶

先太師窮聖之語先司馬
叔父及

白巖喬公曰愈光他日必為海

內詩人今陸兄白首詩篇為
海內傳誦欣欣洽乎

先太師之友人於四十年方
矣因話世誦遂書其後

六
E
四
四

通家弟楊慎書



張禹山戊巳吟卷第一

禹山張含愈光雜著



升菴楊慎用修批點

鐵樓野興

縹緲春光紫翠峯花光柳影鐵樓深揮毫

鳳翥紅絲硯調軫龍盤綠綺琴紅絲硯綠綺琴對

秀浩月江湖中夜夢荒園魚鳥十年心時

危豺狼應難避擬駕青牛傍碧潯

升菴久居高嶢寄訊

滇海波搖日月光高嶢雲鎖翰林莊夜禪

應過長松寺春夢幾回芳艸塘王翰卜隣

難縮地侯巴問字已升堂天涯羈困頭將

白良會蹉跎歲又黃此首工不可言壯麗

白龍山間眺追憶舊遊踪跡

凌峯遙想舊遊踪四十餘年一夢中白馬

寺翹雞足險青蛉山染佛頭濃嚴冬樹杪

無殘葉暮雨江腰鎖斷虹到處履綦尋往

指古碑無字綠苔封

述城謠

川上丈人狂獨叟養拙臧名謝賓友足迹

何曾公府留誰識微軀牛馬走有時自抱
荆人玉更把古書牕下讀花邊幽夢午窗
前橫吏猷門苦索錢我生幸值昇平世況
乃傳家由甲第斂迹荒園歲月深種得桑
麻徵賦稅我家不富亦不貧詩書滿架粟
半困聞說瘡痍滿郡郭鄉村大半飢寒民
仰天大叫雙淚落寫罷倚山閣

自貽

離群屏跡耽巢壑塵閣農書護橘園失國
肯憐秦氏鹿焚林須避楚人猿斗山重墜

非韓愈

木山嚴公書來謂含負重聖

騷賦

沈身慕屈原龍劔夜深猶燦爛氣凌霄漢

紫氣翻

大保山遙峯絕頂即景長句

嶺畔樹高煙片片崖端草長石磷磷竣躋

忽見白孔雀欲飛須跨黃麒麟縹緲嵐光

襲杖屨細縵雲氣侵綸巾尋空習靜清萬

像五度谿上桃花春

起句奇崛通篇蕩麗

三夢行呈升菴紀實成篇罔較工拙

天涯形影分三宵連夢君宵宵踪跡異總

總嘆離群一宵吟鶴倏然至
玩弄雕龍古髣器雄談碑碣
秦漢書更看虎鳳盤空字
一宵古寺倏同遊霜葉墮地
鳴金韞華亭太華晚鐘發
瓊筵醉舞友禪樓一宵並馬
遊荆楚倏賃茅堂作新旅
案頭紅日太輝煌黃紙驚傳
五雲龕君持黃紙笑顏開
乘驄北上燕王臺憐予獨歸
越湘浦碧雞全馬路徘徊
三宵神爽朗匪衷迫遐想
長驅道不迷遠涉川豈廣
三宵夢裏得相逢夢破
依然西復東獨立蒼茫轉
怙悵寒江佇

目望飛鴻

歛迹

歛迹藏名絕
賓友歎喜歟
赧通戶牖青山
轟轟水總總
亡何鄉裏吾
忘偶散髮經年
只敷門相遇
隣翁亦敷口
料理桑麻日
灌園瓮有山中
千日酒茄鼓
頻催橫吏徠
那能一日愁
顏開瘡痍滿
地不忍見
臭龍鸛鶴俱
悲哀城郭荒
涼不足惜
遐民血淚如
珠滴日日顛
天天不聞一
瓠千金誰拚
溺為國憂時
空涕流放船
江浦覓沙鷗
沙鷗

見人即飛去烟鎖蒹葭最深處

塵世

區中躑躅世態薄棲居何處尋神仙水次

璜鼎不足數荒外玉窪應可憐玉窪酒尊名見高氏

畧市文鬻義者誰子命鈎理弋終吾年遠

避紅塵尚多事一望丹丘空悵然

放歌

歌酒踈狂遂所願去途險隘何須憂海圖

衣裳拆紫鳳擷頭舩舩畫葱鴛葱鴛舩名徐幹齊都

賦

野翁相見出肝膽惡少得意封公侯詞

賦垂名亦艸艸擬向採薇山澗遊

春情二首

春雨春煙滿鏡樓春眠春興在滄洲無憑

夢裏空多事有限盃中暫解愁無憑謂春

也有限謂且盡生前有邊塞只聞兵甲動

郊園不見鳳麟遊百年歌舞繁華地蕭索

渾如海樹秋

光風轉蕙弄春晴蘊蒨芳林颺颺鳴花下

獨傾千日酒詩中空負一時名白雲幽石

通斜徑綠篠清漣媚小楹倚樹不逢王母

氏餐霞何處覓長生

西園縱飲

西園晝慘春霧生寒極頗覺貂裘輕避風
小蝶不肯舞棲樹弱鶯聊一鳴聖賢酒汎
玉瓶倒嬋娟歌合金罍傾醉中忽想少季
事紅燭青樓無限情

淫雨

淫雨滂沱匪海增波
飄隄沒嶼我欲弔汝
汝淫不知我淚若絲

歲暮大保山騁壘

詩奇體亦奇

六已吟卷一
三
悵望關河逢歲暮荒涼城郭使人悲金雞

村北太守墓

村北有呂凱墓

白馬廟東丞相祠

廟東

明有祠

墓上草深群兔宿祠前松老一龍隨

千年踪跡成塵土感慨掬毫獨賦詩

寄用修長言三首

紅顏衰首黃金榜歷塊人稱汗血駒東觀

彩毫輝豹變北溟風運起鵬圖雲中構宇

通僧界烟裏乘編訪釣徒悵望碧雞關路

晚嘯暖哀雁重躊躇

天上曉雲籠玉樹海中秋月逗冰壺節旄

耐可龍堆雪畫舫須憐蝦菜湖蹇諤漢庭
推李杜文章唐代數崔胡投荒館舍還投
轄詩酒風流曠古無

歎雨海莊通玉岸隣近金銀龍樹宮携妓
須同謝太傅飲酒何如陳孟公碧雞金馬
久客裏蠶叢魚鳥歸夢中伏闕棲山迹迴
異操觚挾藻心相同

偶作

山下樓臺水上亭山光鑿鑿水泠泠塵中
走馬頭先白雲裏軀雞眼尚青袍玉握珠

成應事獨猿孤鶴共忘形
援琴肯滴雍門

淚鼓柝空憐楚客醒

春日漫塘放船

擾擾勞生空自嗟
春尋桃李過漁家
流霞

燁燁傾三雅
漏石泠泠沉五牙
紫靄樹輪

般宿鷺樹輪見小
黃昏村鼓惱棲鴉
留連

烟水無拘繫
擯影忘機閱歲華

風

娟娟灑庭樹
微微動檻花
染衫香暗度吹

霜鴈落沙

花

嫩蕊迎春
發凝露
恣芳菲
拂袖香不散
因風似蝶飛

雪

落樹似飛花
倏忽度龍沙
從雲合且散
因風卷復斜

月

分簾疑碎玉
隔幔似重鈎
牕外光恒滿
帷中影暫留

自貽二首

玄亭習靜陪玄鶴
白首忘機對白鷗
鷗洽性情聊作伴
鶴知心事故相投
朝盤紅鯉堆精膾
夜燭青娥憶舊遊
黃葉孤村通古

寺暮烟收盡晚山幽

鷗

生成拙性類巢鳩
消盡機心近海

七十

光陰閒處過江湖
踪跡少年遊得時
野鷺

欺馴鷗對面金河
映鐵樓世道天時
休涕

淚濁醪粗飯且優游

憶昨遊紆近抱

癸卯歲寓昆明城
賢豪躡蹬虎豹鳴
廣陵

琴彈嵇中散江東颿歸張步兵山鳥背人
有何意海^濶忘機須結盟荒園艸樹日日
長蠻徼瘴癘年年生

襍作

卜居翠竹院高隱紫霞峯鸞武杯中蟻鳳
翠輿裏龍雲水分紅練松蒲飢綠叢老境
悟交態散帙揔雕蟲

鐵樓騁望懷用修

鐵樓麴色照虹橋瘴嶺蠻川古路遙撲面
林煙常滾滾滴愁階雨故瀟瀟名高文藻

翻多病仕之良媒
漫解嘲金馬
籥雲空悵
聖玉蟲消燭
坐通宵
結句 妙

偃蹇

偃蹇踈狂漁薄叟
沙浦烟村藏戶牖
緬懷皇胥帝鴻氏
嗒然零吾還零偶
課畊新樣製長攬
鋤瓜種秫還髡柳
髡柳字出范
頭浪迹丹玄鄉
顧影無論牛馬
走滌渴惟需壺口
流銷愁賴有牀頭
酒世故如雲無定
踪經年散髮臥山
中

山城四時氣候短述

赤河丹徼路西東擁護山城雉堞雄夏日
池塘嵐霰重春朝樓閣瘴煙濃樹從秋嶺
霜中綠花在冬園霧裏紅風急村墟多翼
扁雲垂潭港有乖龍

野遊

御風臨野外獨立覽滄溟鳴鶴衝沙出

鳴鶴

船名仙禽下露汀仙禽名烁深湖水涸木落嶠
峰青茶宴龍泉晚蕃僧朗誦經

桃花

小岸桃花開灼灼草堂畔五株皆自生非

關澆且灌

追往事抒近懷

獄裏劒埋空紫氣詩中玉玷有青蠅文期

後世知揚子蒲圻廖太史鳴吾東舍子之

與之同昔人讀子虛乃長悲浩歎以安得

恐後之人復悲乎詩媿前身是少陵李和

古之仁甫嘗感異夢與異事東來云云復以

長言一首見賦其後四句才說小山非自

未得詩亡知爾前身是少陵故云絕域傳經

吾道在少年憂國壯心零鐵樓夜倚迎歸

鶴五色晴雲擁翠翮

最寬園自貽工自然

委巷斜陽晝掩門
青山城內最寬園
樓臺

迴出層烟杪
鷗鷺閒眠老
樹根愛酒獨留

林下客尋詩
纔過寺邊村
鶯春鴈夜酬時

序飲舫漁燈切夢
寔可驚四筵

離情四章懷升菴

弱冠忽傾蓋
携手臨高臺
窮書歎樂毅談

金憐郭隗縱轡
駒逸紫陌
李開參商

萬里隔岐路
各裴裒客飲
滇海水宅傍隆

岡涯底韞黃
葉落天酒白
皚皚南鴻累北

往東鯉間西徠慘愴鮮歡樂睽茲時運乖

又

側身白龍館悵望碧雞廬海雲聚倏散山
霞卷復舒所歡天一柱烹臠欣得書贈我
天馬錦副以水犀梳攬錦泫涕泗握梳鮮
怡娛分索庶良易四節感隙駒憂心與離
抱落日野躊躇

又

高臺白日暮悲風吹北林瘴歎不肯散日
夕團岡岑騁望河川迴龍關雲樹深炎荒

鮮鴻鴈寄托稀塵音碧雞不可見遙遙思
難任山飛霜中發紅彩鋪青潯時危喆士厄
盤桓丘中琴

又

東壁月皎皎促織鳴嚴霜歡友適睽阻清
夜涕霑裳停雲慘殊館雅夢况恒觴躊躇
倚鐵樓銀燭影煌煌寂寞守銅漏寶樹露
灑灑中夜不成寐披衣徒慨慷意古

秋日閒居

荒村秋水晚冷冷流出花蹊過草亭白屋

白衣頭盡白青山靄眼猶青晉人共道

嵇公嬾楚國誰憐屈子醒曉盪春醪尋社

友夜漁秋舫宿燈汀一盪醪漁舫是

冬月雜作

霜護龍潛月煙籠雉堞城韜光須束影斂

迹已消聲醉沈紅靺鞨渴飲綠昌明轉愛

群芳歇樹高無鳥鳴

秋懷

白盛蕭條紅葉殘茅齋周匝野園寬銀鈎

四樂懸新扁杜為善最樂讀書最樂玉薤三

杯壓晚寒學字頗於臨帖易作詩無那着
題難祇緣強健標鳩杖獨以逍遙稱鷓冠

山居

青靄丹霞類赤城白龍山隱讓時名虹橋
殘雨收虹影鳳嶺樓松作鳳鳴歇訪禪僧
談偈坐海尋雲客抱琴行不須苦笑辛黃

遜

辛黃遜年九十
猶束裝望闕

舉世何人絕宦情

自傷

三投十上成何事抱玉懷書祇自傷菊花
好在陶潛酒釣艇須尋范蠡塘山送野雲

盤浦激月催孤雁下江鄉
紫門經歲無車馬
獨有隣翁過野堂

放意

偃蹇踈狂歲月深
孤城臺榭五湖心
披林鐵笛更新調
對月瑤琴發古音
烟鎖烏耕通秀町
秀町字雨掌漁釣近
中潯牕前風起鶴雙去
海上雲飛龍一吟

自貽

萬里故國秣陵郡
百年宦族哀牢城
誤矣懷書侯闕下
脩然帶經栖山中
豪傑須慕

堯舜畢獻蕪獨覲巢許蹤波中漚舞野水
白潭底龍臥歸雲紅

屈宋解

文無一字駱賓王詩無一字劉長卿已詈
屈原為罪人已咲宋玉為老兵輕薄聲名
當時滅萬古傳誦離騷經仲尼猶致叔孫
毀日月輝煌朱泗水眼底鹿鹿嗟兒曹斗
筭襪線俱於驕

有懷寄升菴

逐客淹留閱歲華高燒雖好是天涯朱提

庚巳吟卷一
十三
露浥忘憂草錦里霜滋長樂花龍過積波
春水動鴈回橫嶺暮雲遮携壺獨醉山中
酒汎斗須乘海上槎

哀牢山

公府親隣無足跡獨伴風流滄海客酒肆
藏名李白春蓬蒿隨分揚宅雄行路方知
蜀道難壯士涉歷無懼顏哀牢山在青山
外蜀道只在青山間

張禹山戊巳吟卷第一終

張禹山戊己吟卷第二

幽居感事兼懷升菴

陳編歷歷復悠悠蕉萃榮華一轉頭秦客

已遊黃犬市齊奴還起綠珠樓君從海上

尋方朔我向山中覓許由好學四禪同結

夏不須九辯獨悲秋

此詩閱世熟發興高
豈東華塵土夢可到

耶感可誦
慨古令

龍池水

龍池水向東流年年歲歲常悠悠今年淚

流向北淫雨作黶龍噴雲墮池水黑

積波池

昆明池一名積波池有九十九泉分注所匯故名升菴示

余云譙周志云

墨華龍繞積波池三素雲連五色颺不有

詞臣來絕域佳名千載竟誰知文選注暢於五色風

風有五色也為昆明又增一奇矣

白馬金雞謠為傷春情感時事而作

也廟與村俱在鄙外諷諭隱約

白馬廟前春且休桃花片片水悠悠金雞

村裏花盡落芳草萋萋雲漠漠馬像巍巍

不肯嘶雞脰啑啑亦不啼不知春來與春

去閭闔九關無叫處我生光景不多時鏡
中雙鬢半成絲潦倒不知身外事芳草落
花我何意白馬不嘶人亦行金鷄不啼天
亦明天明人行無穩睡曉起生涯惟爛醉

濁醉園即景

濁醉園深傍古城丹霞纔斂白雲生鐵樓
圖籍克雕棟瀟艇漁竿候赤頰龍變老翁
來問字鶴知好客替相迎逍遙睥睨乾坤
闊阮籍瑤琴子晉笙

襍詠

明詩臺倚看山亭秋晚周遭古樹青海近
虎方嵐霰重匣藏龍劍雪霜熒渭橋飛鳥
背璜老越瀨潛鱗親客星白馬紅塵標世
路銀題瓊笈注丹經

鴻鸞篇挽潘孺人張氏其父鍾字子
鳴南水曹郎正風度高嚴志向卓邁
其弟九淵字希陸癸卯鄉解第一神
情爽朗才識雋曠巍巍西村熊熊龍
所喬梓聲光炯炯鶴鳴孺人匪特性
靈得於家教尔然詩效齊梁體

雍雍粹玉質窈窕閨中賢靈溫父弟惜婉
順尊章憐詠雪才豈忝斷機特勉旃儀閒
秉貞性氣滅當盛季歌鴻悲紫陌鏡鸞度
黃泉夜輪珠蝕彩風飈燭慄窳月滿粧樓
靜蘭摧金韞便深深堊玉壠鬱鬱埋香阡
奪畢罔非數天道固茫難佳

挽戈門烈婦韓氏平罔僉憲諫之側
室南都人

炯炯戈烈婦仲卿妻翺翺節譽邁今古貞
懷凝雪霜白壁耀黃壤黃霾臨白楊龍江

關路杳歸魂迷故鄉

風雨

南國今年風雨多
陽侯屏翳亦奔波
城中翼虎懽如怒
山上條猿嘯復歌
近市愁雲濃似墨
高原驚浪疊成河
遙天水氣蒼蒼合
神禹媧皇奈若何

散帙志感

擗管貪夫各著經
傳流誰重復誰輕
青牛柱史能西去
白鳳詞人豈盜名
前代是非終不定
高賢心迹亦難評
晴窗散帙春風

細隔樹啼鶯四五聲

四樂齋自適春思忽飛口號

四樂齋前千樹桃鐵樓咫尺春日高九池
水長浮三橋離鷺別燕魂欲消天氣因人
人似醉胡蝶亂飛衝翡翠留春情傷春淚
一度春風一憔悴

升菴以長句見貺疊韻酬謝

碧海雲開白鴈飛書傳交義肯相違龍磨
文藻高名重金石情棕上古稀漏盡燭花
還燦爛夢回庭艸正菲微自憐孤寐如頽

六已吟卷二
鯉獨臥空潭失所依

山居幽抱

白茅新屋映丹巖
綠樹紅雲蔽短檐
但苦半生身抱病
從教三月食無鹽
鶴盤遠嶼山光碎
蘋滿橫塘水勢添
租為杖藜牽紫陌
忽於村港見青帘

鐵樓夜坐憑欄遠望

銅龍銀漏鐵樓更
殘點聲沈咽
古城動樹風號
孤鳥墮繚垣
砧響半蟾明
江翻赤浪龜
鼉戲山鎖黃雲
虎豹鳴時事泥人腸欲

斷通宵無寐若為情

綠茗園午睡

綠茗園幽稱黑甜輕風一枕透踈簾採山
釣水烟霞重尋壑經丘歲月淹鐵杖敲松
驚睡鶴竹竿衝渚觸孤鷄畊鋤未得離塵
世俛仰盡虛慕老嚴

漫興兼懷升菴

城內雲山抱白屋山中石室通丹谷朝朝
爛醉作生涯東籬黃菊東陵瓜結艸為樓
候李耳望氣識劔憐張華乘幽控寂訪黃

夏潛名隱迹餐丹霞高眠燁燁紅麩枕觸
眼艷艷燕翁花緬懷故人不得見歲月冉
冉真堪嗟蒼生空望謝太傅漢庭不用賈
長沙逐客荒民日日樂乾坤無地無桑麻
吁嗟乎乾坤無地無桑麻

秋盡聞雷

百蠻環拱一孤城秋弱雷聲迸地鳴祇見
鷓鴣常籬蘖那堪豺虎忒獍獍山中古樹
無殘葉苑外方塘亂野萍閉戶逃名多樂
地但聞征斂尚關情

春暮有懷遐貽用修

高嶢春暮樹蒼蒼花落平泉李相莊夜宿

禪樓山月白醉乘漁艤海雲黃江湖放逐

身如寄丘壑盤桓老更狂莫唱梁州動歸

興且携沂國買春芳李亞仙封沂國夫人

春芳

踈誕

踈誕風流閱歲華小園生計付桑麻烟開

別圃通香界風起中潯艤釣槎對酒淵明

非白社橫琴叔夜適青霞白社青霞興來

六已吟卷二
着意尋春李春在南隣第一家

寄升菴

十載寄詩三百首停雲猶自淚霑裳客樓
近倚華亭寺鄉夢遙連錦浦坊塞馬歸來
有何意冥鴻不下恐相妨春濃園蝶尋春
李歲暮山禽逗雪霜

躑躅興豪自排

君不見陳孟公投轄興豪如酒龍又不見
張長公青雲滴淚如哀鴻升沉得失俱忿
忿悲懽聚散如轉蓬百年身事一夢中遯

世獨立吾道窮風流嵇阮同高蹤鏡鬢半
白酒顏紅蹙鬢人稱矍鑠翁吁嗟乎蹙鬢
人稱矍鑠翁

重陽登明詩臺諸酒客過飲

重陽風雨獨登臺門外喧傳俠客來華屋

地寬容蹙鬢貫珠聲響助銜盃孟嘉落帽

須難並杜牧霑衣亦可哀眼前事成佳對

是銀燭夜消佳釀罄銅龍寒漏苦相催信手拈來頭頭

浪遊

少年歌酒青樓上垂老光陰白屋中蟬衫

麟帶李長吉鶴髮漁竿張子同
往事悠悠真是夢浮生擾擾忽成翁
龍池烟月虹橋雨斷送朝鴉與暮鴻

自舒野放

紅塵墨墨不得意青山蔣蔣堪所遊
西編東舫野烟水北谷南淙高樹秋
揚雄雕篆祇自困杜甫傲誕轉多愁
作態啼烏繞灌木忘機逸鷗盤遠洲

複字閒詠六言絕句五首

花影重重疊疊風聲刁刁調調日煖群蜂

釀蜜春寒獨鳥棲巢
蒼松錯錯落落桃花灼灼盈盈樹老雲盤
睡鶴春殘雨咽啼鴛
丈夫磊磊落落下士戚戚營營獨勤莊周
蝶夢不聞祖逖鷄鳴
浮生泯泯默默荒村闐闐幽幽遠避塵中
車馬獸尋月下沙漚
人攻忽忽擾擾天道汨汨悠悠但得釣澳
避夜從教屠狗封侯
昔遊近抱

豪遊空四海逃名經十秋社集整烏匱杖
徐牽鹿裘藤齋琴音蕝花塢歌詠優獨憐
東都士時危投濁流

芙蓉花秋凋冬茂援筆成詩

芙蓉花瓣落池水粉墜紅枯葉亦死時維
霜降始數辰池水亦涸現泥滓臘月望辰
花復開參差掩映明詩臺凌霜逗雪柔柔
豔池水亦滿白皚皚夷方節序只可惱山
茶齊開花更好煥氣融融蜂蝶喧滿城共
賀春光早老懷不樂轉多憂天時舛錯雙

淚流觀魚獨訪漆園吏
鬪雞聊伴樂通侯

龍池遊放暮歸

龍池宛抱青鵝寺
磬韻鐘聲互翠微
盤雲鳳翻五色現
通霞樓迴九光飛
荒城日黃鳥息童
童珠樹紫衣歸
茅闕擊榜晚風起
悵望漁翁棲釣機

疎狂

疎狂踪跡付烟霞
中聖窮經閱歲華
為愛江山閒處好
方知名利頭差
梅花鄉音落
桓伊笛香杵
酥殘陸羽茶
春暖沙洲尋野

山已口卷二
崔晚涼庭樹數歸鴉

秋眠

今歲秋眠無穩夢起看天地只堪嗟狂嵐
作陣迷城堞急雨翻盆挫菊花海上叫殘
群過鴈樹頭啼殺獨棲鴉隣翁野老頻相
訊爛醉漫啣卒歲華

弔淫雨悲時事

橫潦驚濤水勢傾漫漫黑霧滿孤城中原
結網無麟鳳絕塞防秋有甲兵萬里關河
俱寂寞四方豺虎縱橫陽侯屏翳乘時

怒日月公然不肯明

不似杜而
蹈襲

春陰

春來晝日常陰陰琴澗古絃無好音苑外
桃花不肯放檐前燕子亦難禁漠漠荒村
虎咒出黯黯孤城烟霧沈鶴棲庭樹忒愁思
龍起海雲聊一吟

村居襍詠

藥欄花檻傍江濱收檢朝暉與暮曛汎渚
白鷗常作伴履田黃鶴不成群幽情月下
隨流水野思春來若亂雲門擬蓬蒿張仲

蔚詩尋俊逸鮑參軍

廬舍

廬舍界孤城耕鋤付三田豈諳金張貴祇
 知沮溺賢結髮蕩湖海長劔指幽燕謁闕
 徒懷書卷氣轉述遭墮顛保光素逸和劇
 天倪時違執水操鄭谷故黃緣憶辰歲癸
 卯貢函詣藩滇世途阻且礙桑梓當來旋
 振鐸戒征邁編滴濟泛泛杜門序在苒艸
 玄樂餘年獨立寡儔侶道孤易生怨固守
 履舟壑束影避紅塵寤寐跂明哲歸來誦

陶篇青吾
 詳申韋岳
 疑為
 此敘出處

陶篇清悟辯神緯瑤閬擬騰騫此敘出處

龍池春遊曲

紅心草茁紅桃開紅心草見傳奇龍池淼

淼春水來春鳥啼不歇春燕語更切少婦

踏青遊傷春無限愁紅蕖蹀躞羅襪羅

襪塵生暗香發密意難傳陌上郎含羞折

花空斷腸踟佇路側盼斜陽唐韻入

少年行

豪遊燕臺當壯年金繩翠幃春日妍黃金

銷盡綠草綿玉瓶瓊瑩流霞鮮銀鞍燦爛

六已口卷二
二
蒟騮顛綠楊紫陌珊瑚鞭醉入紅樓歌袖
掌傾壺弄盞擁非烟銀漏滴水銀燭偏青
娥垂手舞華筵貫珠詞曲鏗朱絃輝輝朱
旭珠簾前乳鴉嬌啼驚醉眠濃香夢裡正
遊僊夢入蓬閣瑩篔天僊宮麗館搃茫然
鷓鴣燕雀薄雲天龜虬麇鳳俱迤邐時危
猛虎齧豪賢吁嗟乎時危猛虎齧豪賢

張弼山戊己吟卷第二終

缺第一頁



文已合卷三

天
之
收
行
風
雁
日
單
奇
甚
足

片
日
口
卷
三



伏花散香飄擁四禪奇甚足與地稱

龍泉寺縱飲夜歸

苦愛春光濃似酒出城晴日弄輝輝
鞦韆旗影疑龍過蹙鬣場喧羨鳥飛
浮蟻尊壘花下醉貫珠歌曲月中歸
鐵樓深夜猶長嘯一任踈狂與世違

春湖曉泛夜歸

燕泥鶯谷雨乍歇柳岸桃蹊春可憐
山鎖白螭雲出岫湖乘赤馬水吞天
群鳥暖趨沙洲聚獸鶴寒盤老樹眠
墨點海苔新句

就歸携邛竹暮烟懸

春恨

春日孤城烟霧黃蕭條物色類龍荒窺檐
燕語無消息遷谷鶯聲亦渺茫祇向雕題
徵象馬豈知黔首避豺狼八禪三觀成通
照艸閣茅闕下夕陽
荒城霧雨無日無庶庶泥泥還塗塗柳綿
桃錦消息遠旅首葵心踪跡孤階前寂寞
老黃鶴沙上閒眠野白鳧尋芳豈倩綠玉
杖縱飲傾倒青天壺

寄在軒胡原學憲副

瓊瑤詞翰動長安五艷雲中鳳鳥盤南海

徊翔星斗護北溟去息雪霜寒去息亦鳳也

也莊子鵬以六月去息風流為政還提槩

霄漢收名已罷官不見夢圖尋允命每看

書跡一悽酸

幽况三首

秋深綠樹動幽軒寢迹光陰遠世喧隔巷

漁樵好作伴滿案丘墳閒討論黃爐當歌

姹女酒青門小摘故侯園鐵樓烟霞不肯

散輝輝五色傍檐翻
鐵樓道人何所求
碧梧紫籜堂優游
揚颿夢捉五湖月
對酒怒擲雙吳鈞
蒼髻獻策蒼龍闕
白頭棲拙白鷗洲
豈是求名薄鍾鼎
祇緣野性宜林丘
湖港近藏青雀舫
京塵舊點黑貂裘
相如避事還多病
杜甫耽詩總是愁
谿鷓趨雲眠野岸
芙蓉乘兩暎沙洲
青壺綠醕陶然醉
深信彭殤共一籌

孟秋六日衛千兵侯辛君文尹君衡

李君瀚馬君勳張君軒劉君鵬陳君
廉吳君松徐君傑方君謚萬君彙木
君惟嵩十有二人同過約余為東湖
之飲乃乘馬出城登舟而遊余數年
杜門不履公府間有山遊罔經閭市
茲遊郡人咸驚駭而注目焉蓋諸君
皆世祿表表度越時流之才故輟高
隱恬情而縱狂奴故態翕然矣歸坐
明詩之臺紀遊歷之盛以八韻成詩
移席將軍樹驅車刺史城前茅分曉色細

柳報秋晴彩
鱖鷓澄湖舫青鸞
緱嶺笙瓊骰

公乘律

酒公乘不見說苑

金縷郢中聲
茁茁香

風通芙蓉錦露迎
流磻鳴蛩應擊汰渚鴻

驚洗玉行厨饌
鏗金擲地聲歸途仍躍馬

蘿月照霓旌

秋日過白龍山別業

秋盡驅羸馬
鳴鞭出鄙門
青烟垂釣岸
紅

旭刈禾村舊事
秦庭淚新詩
楚客魂避蹕

耽靜默無那
暝禽喧

寄升菴二首

萬里淹留海上人
文章聲價動星辰
鐵樓一夜殘秋雨
玉案多年老逐臣
憂國底須空涕泗
離群焉得不酸辛
高嶢曉日昆池月
倏忽流光幾度春
聲光早歲照彤闈
五色高雲海內飛
特咲陸機聞鶴唳
獨懷蘇武牧羝歸
詞臣節譽如山重
野老情悰與世違
客舍蕭條滇水近
寒雲漠漠雨霏霏

九日悲吟

墨雲漫空不肯開
斷鴻離雁亦悲哀
籬邊

莫採陶潛菊臺上聊傾杜甫盃
江漢夢長詩思迥桑榆光短隙
駒催盤桓丘壑虛文藻檮散
終年任不材

泛湖

東村村外有東湖湖上青山列
畫圖沙鵝低飛田鶴遠霜葭齊
發渚蓮枯木蘭衝鷺驚驕浴屬
玉銜魚飼弱雛自笑墮顛還放
浪風流江漢在吾徒起句自然

鐵樓感事

野性剛腸鐵作樓古城相對晚
悠悠紅顏

燕趙鬪駟馬白首江湖綠鷁舟枕上飄揚
憐夢蝶波中消息報盟鷗秋天鷺嶺黃雲
暗春日虺河赤水流

自排

鐵樓秋色龍池水照耀金銀龍樹城空裏
三輪澄本性歌中五噫愴深情霜寒月落
龜鼉戲風急天高鶴鶴鳴無那傳家臨絕
徼徒教重譯問詩名

冬園即景寫懷

山茶花放曉霞紅雪霽如春暖氣融故園

龍盤鍾阜穩蠻城雉堞瘴烟濃古書萬卷
歸王粲名畫三厨付朗公緹帙錦文勞點
檢一生勤苦誤雕蟲

朝暮

朝遊龍池上暮望虹東橋鐵樓時獨倚蒼
雲~~麟~~橫空林園迥寂聞咫尺金銀宮俛仰
嘆季運道乖須固窮悽然憶昔侶離散轉
凋蓬作詩豈徒苦甚欲成滇風蕭放江海
上沉淪泥途~~塗~~中矍鑠鄉人疑謂遇浮丘公
綠篠園獨坐懷升菴

綠篠園深紫燕飛傷時感物重睽違池中
春艸愁中發客裏王孫夢裏歸太華峯高
龍樹近哀牢山迴雁書稀離心別思關河
杳携酒看花悵落暉

二虎行

虹橋道中雙白虎怒目睽瞳火光吐狂虺
鹿豕不敢行古樹颯颯陰風鳴村中啞人
人盡避挿棘編門防虎至近來冠翼黑雲
盤白晝六月長風寒市中愁怨村中喜虎
離深山到城裏從來虎只在中中市人驚

散城欲空

湯興用張子鳴見貺五韻

苑外霞烘馬腦天馬腦天乃梁元帝之波

中雲鎖鮑頭船遙山虎勢多西踞古樹蚪

紋盡左旋霜鶴影高掌野望曙鴉聲急惱

佳眠機關世道無窮險好種陶家下溪田

春日村居間作二首

庭草初齊巷柳斜暖風晴旭野人家山中

夢破尋蕉鹿杯裏弓疑避酒蛇碁局交情

空點檢機關世道重吁嗟閒陪白晝馴階

鳥歸數黃昏卜樹鴉

妙在結句

喜臥烟霞纔避世愛看鷗鳥學忘機蓬門

細雨無人過花塢斜陽有燕飛栗里酒尋

陶靖節澄江詩憶謝玄暉村中牧笛驅牛

去月底僧船帶鶴歸

寄升菴

投荒館舍碧雞近滇海烟雨晝霏霏西望

虹橋諒有夢東阻蠶叢不得歸戲鴻遊鶴

藻翰美書譜云王書如獨散錦綴珠星斗

輝跳丸日月牧羝久鼓柁騷賦葬魚微

幽情

浮生擾擾隙駒過
世事茫茫江水流
漆吏獨棲夢蝶巷
肘客肯受零陵侯
銀塘花瓣露下落
鐵樓山影水中浮
短牆鄰雞有何意
特特傍人啼未休

憶昔篇寄升菴

憶昔華亭對月明
通宵詩酒共高情
賦成華燭飛龍護
歌響行雲睡鶴驚
溟海蕭條憐客舍
巴山峒喘阻歸程
舊遊踪跡新秋恨
夜雨樓前一雁鳴

龍不見
神龍在泥不得志
蛭蚓見之不在意
古今英傑不逢時
鹿鹿兒曹輕視之
寧知赤電青蛭起
龍挾雲飛霄漢裏
君不見昌亭餓夫時
運來隆準始識無
雙才又不見臨邛
食客薄遊者萬里
橋邊驅馬馬乘時
相楚與奔秦
張儀范叔由遭
迍終身不遇者魯
叟日月輝煌天地
久夷叔西山只採
薇辭粟高風萬古
吹但願貧居子午
谷餓死山中心亦
足

一結更高

七絕句

鐵樓古城西下瞰哀牢
山城中紛紛子試問何者閒
跼影已杜門銷聲復杜口
嘿然既忘吾嗒然還嗒偶
小岸飛花開豔燭晴霞襯
輕薄不禁風一夜花落盡
直直直白龍山熊熊紫霞樓
樓中仙人過松邊麋鹿遊
讀書歷千卷作詩將萬首
白髮老漁樵好

事付烏有

夜宿西山月朝泛東湖航山光悅鸛鶴湖

影蕩鴛鴦

淵明五株柳子美五株桃耽詩與縱酒閑

門春日高

七絕灑落蕩麗

懷用修

江漢風流悵望中昔人踪跡幾人同潮陽

雪客憐韓愈楚國輿狂有陸通龍尾關前

秋樹綠馬蹄橋外夕陽紅投荒館舍廚烟

護棲拙沙洲瘴霧濃

狂夫

狂夫白首臥江濱
吊古魂消九辯文
愛酒獨尋山吏部
能詩常想鮑參軍
保昌豺虎城中聚
楚貴兵戈海內聞
小岸芙蓉蒼豔艷
秌深紅萼破紅腫

賅山貪泉謠

賅山山前猛虎飽
黑雲壓城城欲倒
貪泉泉外毒蛇虺
黃霾滿屋屋欲頽
屋頽城倒日月暗
誰念瘡痍與塗炭

白龍山秋夜

睡鶴殘燈夢影遲
秋山幽寂稱吟詩
危峯勢缺雲籠屋
古樹枝稀月滿池
白露漚漚黃菊瘦
孤猿咽咽斷鴻悲
干戈消息風塵動
悵望滄江有所思

鐵樓襍作

鐵

野性剛腸堅如鐵
鐵樓煌煌照冰雪
此膝肯因萬鍾屈
其腰不為五斗折
瓮中有酒留山翁
江漢雲霄老眼空
今人紛紛不足數
古人何者當英雄
抱麟上聖沒已久
負馬神圖亦何有
白馬廟近赤虺河
霾氛中

夜迷星斗赤豹橫行白晝鳴
千家寂莫守孤城
踏青不見一人出
龍池春草可憐生

河橋吟寄升菴

河橋一分袂
荏苒八經年
酒酌滄江月
颿開滇海船
翱翔東觀
倏南遷
淹留絕塞車
不旋車不旋
將奈何
鳳池上
夔龍多
逐臣蹤跡
付烟波
一棹
春雨護
漁簑
錦江
劔閣
寃夢
過高嶢
歲月任
蹉跎
車不旋
將奈何
空侯引覽
升菴
空侯詠
十六韻
而作
吾聞空侯
之瑟
五十絃
一絃
一柱
素女傳

聲悲音迥洞越古拊之以為二十五涓更
製空侯名靡靡之樂坎坎聲侯暉祠鐙有
新暢麗玉臨河深寄情青蓮居士謫僊伴
攀龜騎虜游汗漫洞庭西望楚江分九疑
峯前成浩歎錦囊小兒嘔繡肝吳絲蜀桐
李憑彈十二門前誰協律昌谷春歸花已
殘芝山知音二李後聲譜重新器仍舊蜀
城遙傳來昆明鶯笙啞鴈箏覆玉堂老
宿能賞音謝傳東山復枉今不知好手何
人擘玉漱寒泉鸛鷺煖唵碧雞金馬光儀燦

山霧全消海雲散三犯玲瓏白雪翻六州

歌頭赤珠貫君懷磊落世無雙青衫不侶

潯陽江想見月明滇海上桂熏綦跡映蘭

缸韓文公詩桂熏霏霏在綦跡微微呈

畫舫

山霞互海雲五色盤畫舫紅鯉遠驚流不

近漁人網

張禹山戍已吟卷終





